

Il mas-chalch da Sent



Publicaziuns officialas. Cumpara seguond bsögn.

2009/2011

no. 47

7554 Sent, 6 october 2011 / cl

Radunanza cumünala

La radunanza es gnüda fixada sün **lündeschdi, als 24 october 2011 a las 20.15** in chasa cumünala.

Tractandas:

1. Protocol da la radunanza cumünala dals 1. settember 2011
2. Contrat da concessiun Panas-ch Sura cun l'Uina SA
3. Ledscha davart l'organisaziun in cas da catastrofas – Orientaziun per suottametter a la cumünanza d'urna
4. Cumprita stabilimaint da la Posta – Orientaziun per suottametter a la cumünanza d'urna
5. Varia

Il Cussagl cumünal

Radunanza dal cumün da vaschins

In seguit a la radunanza cumünala da **lündeschdi, als 24 october 2011** ha lö la radunanza dal cumün da vaschins.

Tractandas:

- 1 Orientaziuns
- 2 Elecziuns *
- 3 Varia

- Al Cussagl da cumün da vaschins fan part actualmaing Maria Sedlacek, Not Buchli e Chasper Ruben. Tuots trais as mettan a disposiziun eir pel prossem trienni.

Il Cussagl dal cumün da vaschins

Avis – Serrada da via

A partir dals 10 october 2011 resta la via da Chasellas per ca. 2 eivnas serrada causa lavurs da fabrica.

Il schef da fabrica

Vacanzas da pratcha dal meidi / Praxisferien im Herbst:

La pratcha dal meidi es serrada da **gövgia, ils 6 october fin dumengia, ils 23 october 2011**. Sur il nomer d'urgenza dals meidis da chasa d'Engiadina Bassa **081 864 12 12** vegnan Els/Ellas colliats/colliadas d'ürant 24 uras al di e 7 dis l'eivna directamaing cul meidi da chasa chi ha servezzan.

Die Arztpraxis bleibt von **Donnerstag, 6. Oktober bis Sonntag, 21. Oktober 2011** geschlossen.

Über die Notfallnummer der Hausärzte des Unterengadins **081 864 12 12** erreichen Sie rund um die Uhr an 7 Tagen der Woche direkt den diensthabenden Hausarzt.

Dr. med. Iris Zürcher

Promoziun dal sport d'inviern

Eir quist on ha il Cumün da Sent decis da tour part a la sporta cumünai dals cumüns e da las Penticularas Motta Naluns chi pussibiltescha a scolars e scolaras da retrar cartas per la stagiun d'inviern 2011/2012 per ün predsch fich favuraivel. Ils cumüns chi piglian part a quist'acziun surpiglian insembel cun las Penticularas Motta Naluns üna gronda part dals cuosts da quistas cartas da stagiun. Las seguaintas annadas pon retrar la carta da stagiun pels seguaints predschs:

Scolaras e scolars da las annadas 1996 – 2005	frs. 50.-
Scolaras e scolars da las annadas 1995 e plü vegls (be obligatorium da scoula)	frs. 162.-
Pels uffants cun l'annada 2006 e plü guivens es l'adöver dals indrizs gratuit!	

Ils frs. 5.- per las KeyCards nu sun cumprais in quists predschs. Las Keycards da l'on passà pon però gnir rechargiadas per quist on.

Attenziun! Ils predschs comunicats survart valan be per cartas da stagiun chi vegnan retrattas fin il plü tard als **30 november 2011**.

Las datas da la prevendita vegnan dattas cuntshaintas da las Penticularas Motta Naluns.

Il Cussagl cumünal

Radunanza generala - Società da duonnas

Invid a nossa radunanza generala in **lündeschdi, als 10 october 2011** a las **20.00** al caffè Sala.

Tractandas:

1. Rapport da la presidenta
2. Prelecziun dal protocol
3. Rendaquint
4. Data per cumanzar
5. Donaziuns
6. Elecziuns
7. Varia

Lavurs sün postaziun sun amo adüna actuals. Grazia fich
No sperain sün gronda cumparsa e vain grond plaschair da pudair salüdar eir novas commembras.

Ün grond grazcha fich a tuots chi han sustgnü nossa società d'ürant l'on.

Società da duonnas

Tscherchè da tour a fit a Sent

Pels 1. november 2011 tscherchain nus per nossa nouva substituta üna chombra o ün studio cun pussibilità per cuschinar.

Tel.: 081 864 18 21

Isabelle e Marc da la Lataria

Tscherchè da tour a fit a Sent

a partir d'utuon o tenor cunvegna: ün abitaziun da 2-3 stanzas opür part d'üna chasa fich clera e sulaigliva cun üert. Sco soluziun provisorica gniss pel prüm temp in dumonda eir ün'abitaziun da 1 ½ stanzas. Annunzchas sun da drizzar a:

Maria Zabelka, Rieterstrasse 87, 8002 Zürich

Tel.: 043 344 56 47

Maria Zabelka



bibliotheken graubünden
bibliotecas grischun
biblioteche grigioni

Biblioteca cumünala Sent

Invid a 2 occurrenzas in occasiun dal giubileum
30 ONS BIBLIOTECA CUMÜNALA DA SENT 1981- 2011

sonda, 8 october, 14.00, Bügl da Stron

ÜN GIR LITTERAR TRAS CUMÜN

Sent, lö da paur e poets
chi's dan il man ün a l'oter fond chadaina,
consciants d'esser il pövel rumantsch.

Duri Gaudenz

Poesias ed istorgias ans guidan tras cumün fin in biblioteca.

Prelecziuns da texts da Nicola Bardola, Cla Biert, Aita Dermont, Mema Etter, Jon Grand, Manfred Koch, Peider Lansel, Angelika Overath, Andri Peer, Armon Planta, Chasper Po, Madlaina Rauch, Chasper Sarott, Aita Stricker, Niculin Stupan, Victor Stupan

Preschantaziun dal cudaschin" 30 ONS BIBLIOTECA CUMÜNALA SENT/
Ün gir litterar tras cumün"

Aperitiv in sala cumünala

dumengia, 9 october, 11.00. Grotta da cultura

MATINEE MIT HANS MAGNUS ENZENSBERGER

Hans Magnus Enzensberger legia poesias.
moderaziun Angelika Overath

aperitiv

organisaziun: Biblioteca cumünala e Grotta da cultura

uras d'avertüra settember fin gün:

lündeschdi: 16:00 - 17:00

gövgia: 19:00 - 20:00

sonda: 16:30 - 17:30

Vè in biblioteca e'T lascha fascinar dal muond dals cudeschs!

Davent dal mais october pon las lecturas e'ls lecturs tour part ad üna tombola.

La büs-cha vain tratta in occasiun da la festa

30 ONS BIBLIOTECA CUMÜNALA

als 4 da november 2011

Las bibliotecaras han plaschair da Tils pudair salüdar in biblioteca
Nesa Caviezel, Leta Mosca, Gaby Pernet, Elisabeth Poo,
Brigitte Vital, Esther Zanetti e Cla Rauch, nos expert da computer

sonda, als 15 october

Sons



a las 15.00: Ustaria illa tenda davant la
Grotta da cultura.
musica cun Hans, Andrea e Luis.

ca. a las 15.40: Clownarias per grond e pitschen cun
Günter e Deisi.

ca. a las 16.00: Bainvgnü e pled festiv da:



Dr. Walter B. Grünspan

Dr. Walter B. Grünspan es ün impiegà federal da Bern, simpatic ed ün pa malsvout. El discuorra per tuot quels chi til taidlan.

Davo: Aperitiv



ca. a las 16.30:

Tawara Street (Reggae-Rock)

a las 18.00:

Liongia engiadinaisa cun risot (fr. 14.-) i'l Hotel Rezia



a las 18.00: **Chapella Tasna (i'l Rezia)**



a las 20.15:

Chef dé Kef (illa Grotta da cultura)